

Broj: 03-34-412-3/26
Mostar, 09.03.2026. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Sekretar
Hamdije Kreševljakovića 3
71 000 Sarajevo**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 11-03-2026			
Org. jed.	Broj	Priloga	Vrijednost
05/2	-02-	35	/26

PREDMET: Delegatska inicijativa - odgovor, dostavlja se

VEZA: Vaš akt broj 05/2-02-35/26 od 26.01.2026. godine

Poštovani/e,

Federalno ministarstvo obrazovanja i nauke zaprimilo je akt Sekretara Doma naroda Parlamenta Federacije BiH, broj 05/2-02-35/26 od 26.01.2026. godine, u prilogu kojeg je dostavljena inicijativa delegata Almira Babajića koja glasi:

„Na osnovu člana 10., 12., 13., 151. i 152. Poslovnika o radu Parlamenta FBiH podnosim:

1. Inicijativu za izradu Studije opravdanosti uvođenja sportskih gimnazija u obrazovni sistem FBiH i upućivanje preporuke prema kantonalnim ministarstvima obrazovanja za uvođenje sportske gimnazije u obrazovni sistem.“

S tim u vezi vas obavještavamo da je Federalno ministarstvo obrazovanja i nauke 03.02.2026. godine svim kantonalnim ministarstvima nadležnim za oblast obrazovanja uputilo akt broj 03-34-412-1/26, a 24.02.2026. godine urgenciju, sa zahtjevom za dostavljanje mišljenja na navedenu delegatsku inicijativu.

Do datuma sačinjavanja ovog akta smo zaprimili odgovore od sljedećih sedam ministarstava: Ministarstva obrazovanja, nauke, kulture i sporta Unsko-sanskog kantona, Ministarstva prosvjete, znanosti, kulture i sporta Posavskog kantona, Ministarstva obrazovanja i nauke/znanosti Tuzlanskog kantona, Ministarstva za obrazovanje, nauku, kulturu i sport Zeničko-dobojskog kantona, Ministarstva za obrazovanje, mlade, nauku, kulturu i sport Bosansko-podrinjskog kantona Goražde, Ministarstva obrazovanja, nauke, kulture i sporta Hercegovačko-neretvanskog kantona i Ministarstva za odgoj i obrazovanje Kantona Sarajevo. Zaprimljene odgovore navedenih institucija dostavljamo u prilogu ovog akta.

Federalno ministarstvo obrazovanja i nauke se, u okviru svojih nadležnosti, zalaže i poduzima aktivnosti na promociji i podršci projektima i aktivnostima kojima je cilj razvoj zdravih stilova života kod djece i mladih. Naime, od 2024. godine Federalno ministarstvo obrazovanja i nauke putem javnog poziva provodi program: „Podrška projektima o zdravim stilovima života u odgojno-obrazovnim ustanovama u Federaciji BiH“.

Svrha programa je promocija zdravih životnih stilova i zdravih životnih navika kod učenika i djece predškolskog uzrasta, a kroz navedeni program je u prethodne dvije godine (2024. i

2025. godini) bio podržan ukupno 51 projekat, sa ukupnim iznosom dodijeljenih sredstava 299.655,00 KM. Navedeni program Ministarstva će se nastaviti provoditi i u 2026. godini, kroz Javni poziv za finansiranje/sufinansiranje programa i projekata iz oblasti predškolskog, osnovnog i srednjeg obrazovanja iz Budžeta Federacije Bosne i Hercegovine, a planirana sredstva za realizaciju navedenog programa u 2026. godini su 150.000,00 KM.

Pored navedenog, Federalno ministarstvo obrazovanja i nauke je koordiniralo izradom dva priručnika za nastavnike i druge profesionalce „Zdravi stilovi života. Znanje i vještine za zdrav i siguran život“ za I-V razred i VI-IX razred osnovne škole, uz finansijsku i tehničku podršku Populacijskog fonda Ujedinjenih nacija u BiH (UNFPA). Kreiranje priručnika je rezultat nastojanja da se nastavni proces u osnovnim školama dopuni sadržajima koji doprinose postizanju visokih standarda učenja o unapređenju zdravlja učenika i blagostanja. Priručnici omogućavaju učiteljima i nastavnicima da učenicima prenesu nova znanja, stavove i vještine kako bi razvili svoja funkcionalna znanja, osnažili kritičko razmišljanje, promovirali zdravlje i zdrave životne stilove, te mogli donositi odgovorne odluke koje će zaštititi njihovo zdravlje. Navedeni priručnici su javno prezentirani u februaru 2025. godine u Sarajevu.

S poštovanjem,



Prilog: - kao u tekstu

Dostavljeno:

- naslovu
- a/a



05.05.2026.g.
-03 (prih.)
Jilic


Broj: 10-34-2156-2/26

Bihać, 20. 2. 2026.godine

FEDERALNO MINISTRSTVO OBRAZOVANJA I NAUKE

Ante Starčevića bb

Mostar



Predmet: Mišljenje na inicijativu za izradu Studije opravdanosti uvođenja sportske gimnazije u obrazovni sistem Federacije BiH, dostavlja se

Povodom inicijative delegata Almira Babajića, dostavljene putem Federalnog ministarstva obrazovanja i nauke, a koja se odnosi na izradu Studije opravdanosti uvođenja sportske gimnazije u obrazovni sistem Federacije Bosne i Hercegovine, dostavljamo sljedeće mišljenje za područje Unsko-sanskog kantona.

Naime, na području Unsko-sanskog kantona već se realizuju programi koji su usmjereni na razvoj učenika sa izraženim interesima i sposobnostima u oblasti sporta, kroz postojeće organizacione i programske modele u okviru općih gimnazija.

U JU „Gimnazija“ Cazin realizuje se program sportske gimnazije u kontinuitetu od I do IV razreda, kroz prilagođen nastavni plan i program koji omogućava usklađivanje školskih obaveza sa sportskim aktivnostima učenika.

U JU „Gimnaziji Bihać“ program sportske gimnazije realizuje se kao usmjerenje od III razreda, kada učenici biraju područje interesovanja. U tom okviru provodi se i usmjereni program sportske gimnazije, koji omogućava dodatnu podršku učenicima aktivnim u sportu i njihovo usklađivanje sa obrazovnim obavezama.

Navedeni primjeri ukazuju da na području Unsko-sanskog kantona već postoji praksa organizovanja obrazovanja za učenike sportiste u okviru postojećeg gimnazijskog sistema, bez potrebe za osnivanjem posebne, organizaciono izdvojene srednje škole – sportske gimnazije.

Imajući u vidu:

- postojeće programske mogućnosti u okviru važećih gimnazija,
- relativno ograničen broj učenika koji iskazuju interes za ovaj vid obrazovanja,
- potrebu racionalnog korištenja prostornih, kadrovskih i finansijskih resursa,

mišljenja smo da bi, sa aspekta Unsko-sanskog kantona, prioritet trebalo biti unapređenje i standardizacija postojećih modela sportskih odjeljenja/usmjerenja u okviru postojećih gimnazija, umjesto osnivanja posebnih sportskih gimnazija kao zasebnih institucija.

U tom smislu, izrada Studije opravdanosti na nivou Federacije BiH može biti korisna radi sagledavanja stvarnih potreba, kadrovskih i materijalnih uslova, kao i dugoročne održivosti ovog modela, uz uvažavanje činjenice da se u pojedinim kantonima, uključujući Unsko-sanski kanton, programi sportske gimnazije već uspješno realizuju kroz postojeći sistem.

S poštovanjem!

Pomoćnik ministra: Almira Ezić



Sekretar Ministarstva: Albijana Trnavci

Dostaviti:

1. Naslovu
2. a/a



20.02.2026.g
-03 (pridri)
Djuro

Bosna i Hercegovina
Federacija Bosne i Hercegovine
ŽUPANIJA POSAVSKA
Ministarstvo prosvjete, znanosti,
kulture i sporta



Bosnia and Herzegovina
Federation of Bosnia and Herzegovina
POSAVINA CANTON
Ministry of Education, Science
Culture and Sports

Broj: 06-34-127-2/26
Orašje, 11. veljače 2026. god.

20.2.2026
03-34-412-1/26

Federalno ministarstvo obrazovanja i znanosti
Mostar

PREDMET: Očitovanje na inicijativu izaslanika u Domu naroda Parlamenta Federacije Bosne i Hercegovine Almira Babajića, dostavlja se.

Vaš akt broj: 03-34-412-1/26 od 3. veljače 2026. godine

Izaslanik u Domu naroda Parlamenta Federacije Bosne i Hercegovine Almir Babajić pokrenuo je inicijativu za izradu Studije opravdanosti uvođenja sportskih gimnazija u obrazovni sustav Federacije Bosne i Hercegovine i upućivanje preporuke prema županijskim/kantonalnim ministarstvima za uvođenje sportske gimnazije u obrazovni sustav.

Odgovor:

Poštovani,
prije svega zahvaljujemo Vam na upućenoj inicijativi i preporuci. Ministarstvo prosvjete, znanosti, kulture i sporta Županije Posavske je ranijih godina sličnu inicijativu upućivalo srednjim školama Županije Posavske, ali nakon što su srednje škole provele anketu među učenicima završnih razreda osnovnih škola, odustale su od uvođenja sportske gimnazije, jer se razredni odjel nije mogao formirati zbog vrlo malog broja zainteresiranih učenika. Naime, Županija Posavska je jedna od manjih županija u Federaciji Bosne i Hercegovine te sukladno tome ima i manji broj srednjih škola i učenika.

Upućenu inicijativu i preporuku pohvaljujemo i smatramo da se u većim sredinama može i provesti.

S poštovanjem,



MINISTRICA

Ana Andrić, mag. iur.



03.03.2026.
-03 (prido.)
Džević

Ministry of Education and Science

Muhameda Hevajja Uskufija 1, 75000 Tuzla

Tel: +387 35 281 296


Fax: +387 35 281 340

e-mail: mon@tk.kim.ba



Broj: D-10/1-34-003038-1/26
Tuzla, 24-02-2026 godine

FEDERALNO MINISTARSTVO
OBRAZOVANJA I NAUKE,
Ulica Krpića 3A, Mostar



PREDMET: Informacija, dostavlja se

Veza: broj: 03-34-412-1/26 od 03.02.2026. godine

Ministarstvo obrazovanja i nauke Tuzlanskog kantona razmatralo je dopis od FEDERALNOG MINISTARSTVA OBRAZOVANJA I NAUKE, Ulica Krpića 3A, Mostar broj: 03-34-412-1/26 od 03.02.2026. godine sa Predmetom: **Inicijativa delegata Almira Babajića** – dostavlja se, mišljenje, *traži se*. U vezi s tim dopisom, Ministarstvo obrazovanja i nauke Tuzlanskog kantona daje sljedeće odgovore:

- Prema Zakonu o srednjem obrazovanju i odgoju Tuzlanskog kantona, sportska gimnazija je formalno priznat tip gimnazijskog programa uz druge smjerove poput opće, matematičko-informatičke i druge — pravno, sportska gimnazija može funkcionirati kao oblik srednjeg obrazovanja. Na primjer, Gimnazija "Meša Selimović" u Tuzli ima sportski smjer unutar gimnazijskog programa. Ovaj smjer obuhvata dodatne sportske sadržaje i predmete uz općeobrazovni program.

S poštovanjem,

DOSTAVLJENO:
1 x Imenovanim
1 x Evidenciji
1 x Arhivi
AI/AB



18.02.2026.f
-03 (prid.)
P. Mušija


Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA OBRAZOVANJE,
NAUKU, KULTURU I SPORT



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF EDUCATION,
SCIENCE, CULTURE & SPORT

Broj : 10-34-2255-1/26
Zenica, 13.02.2026. godine

Federalno ministarstvo obrazovanja i nauke
Ulica Krpića 3A
88000 Mostar



PREDMET: Odgovor, dostavlja se

Veza: Vaš akt broj: 03-34-412-1/26 od 03.02.2026. godine, naslovljen sa „Inicijativa delegata Almira Babajića – dostavlja se, mišljenje – traži se“

Poštovani,

u vezi s Vašim aktom broj: 03-34-412-1/26 od 03.02.2026. godine, naslovljenim sa „Inicijativa delegata Almira Babajića – dostavlja se, mišljenje – traži se“, putem kojeg nas obavještavate da ste zaprimili akt Sekretara Doma naroda Parlamenta Federacije BiH, broj 05/2-02-35/26 od 26.01.2026. godine, u prilogu kojeg je dostavljena inicijativa delegata Almira Babajića koja glasi: „Na osnovu člana 10., 12., 13., 151. i 152. Poslovnika o radu Parlamenta FBiH podnosim: 1. Inicijativu za izradu Studije opravdanosti uvođenja sportskih gimnazija u obrazovni sistem FBiH i upućivanje preporuke prema kantonalnim ministarstvima obrazovanja za uvođenje sportske gimnazije u obrazovni sistem“, i tražite da Vam dostavimo mišljenje o navedenoj Inicijativi, dajemo sljedeći odgovor:

- Ministarstvo za obrazovanje, nauku, kulturu i sport Zeničko-dobojskog kantona je u julu 2025. godine donijelo novi Nastavni plan i program za gimnaziju („Službene novine Zeničko-dobojskog kantona“, broj: 11/25).
- U Nastavnom planu i programu za gimnaziju jasno je naglašeno da je gimnazija općeobrazovna srednja škola po strukturi Nastavnog plana i programa i po programskim sadržajima. Nastavni plan i program za gimnaziju sadrži sljedeća izborna područja: jezičko, društveno, prirodno, matematičko-informatičko, pedagoško, **sportsko**, zdravstveno, informaciono-komunikaciono i opće izorno područje. Nastava po programima izbornih područja realizira se u III i IV razredu gimnazije.
- Učenici na kraju II razreda gimnazije biraju jedno od ponuđenih izbornih područja za nastavak svog gimnazijskog obrazovanja u III i IV razredu.

S poštovanjem,

DOSTAVLJENO:

1 x Naslovu,
2 x a/a, 03

MINISTAR
Mirza Mušija



16.02.2026. g.
-03 (pri. di.) g.
Julio



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, MLADE,
NAUKU, KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAZDE
MINISTRY OF EDUCATION, YOUTH, SCIENCE,
CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИЊСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, МЛАДЕ,
НАУКУ, КУЛТУРУ И СПОРТ

Broj: 10-34-646-1/26
Goražde, 10.02.2026. godine

FEDERALNO MINISTARSTVO OBRAZOVANJA I NAUKE
MOSTAR, ULICA KRPIČA, 3A

Bosna i Hercegovina
FEDERALNO MINISTARSTVO
OBRAZOVANJA I NAUKE
16.2.2026
03-34-412-1/26

PREDMET: *Odgovor, dostavlja se.-*

Poštovani,

U vezi sa Vašim dopisom broj 03-34-412-1/26 od 03.02.2026. godine, a koji se odnosi na Inicijativu za izradu Studije opravdanosti uvođenja sportskih gimnazija u obrazovni sistem FBiH i upućivanje preporuke prema kantonalnim ministarstvima obrazovanja za uvođenje sportske gimnazije u obrazovni sistem, Ministarstvo za obrazovanje, mlade, nauku, kulturu i sport Bosansko-podrinjskog kantona Goražde razmotrilo je naprijed navedenu Inicijativu, te će u saradnji Pedagoškim zavodom Bosansko-podrinjskog kantona Goražde u narednom vremenskom periodu razmotriti mogućnost uvođenja sportske gimnazije u obrazovni sistem.

S poštovanjem!

Akt sačinila:

Nizama Rišljanin

DOSTAVLJENO:
① Naslovu
2. Evidenciji.-

MINISTAR

Adisa Alikadić Herić

Bosna i Hercegovina
Federacija Bosne i Hercegovine
HERCEGOVAČKO - NERETVANSKI
KANTON
MINISTARSTVO OBRAZOVANJA, NAUKE
KULTURE I ŠPORTA



Bosna i Hercegovina
Federacija Bosne i Hercegovine
HERCEGOVAČKO - NERETVANSKA
ŽUPANIJA-KANTON
MINISTARSTVO PROSVJETE, ZNANOSTI
KULTURE I ŠPORTA

24.02.2026. g.
-03 (prilož.)
Jelenc

Mostar, S. Radića 3/III, tel.: +387 (0)36-334-400; fax: +387 (0)36 316-792; www.monkshnk.gov.ba; e-mail: monkshnk@tel.net.ba

Broj: 02-34-300/26
Mostar, 17.02.2026. godine

PRIMLJENO	24.2.2026	Podnost
ORG. JED.	03-34-412-1	26

Federalno ministarstvo
obrazovanja i nauke
ul. Ante Starčevića bb
88000 Mostar

Predmet: Inicijativa delegata Almira Babajića
-odgovor, daje se

U vezi sa dopisom Federalnog ministarstva obrazovanja i nauke, broj: 03-34-412-1/26 od 3.02.2026.godine, koji se odnosi na inicijativu koju je uputio delegat u Domu naroda Parlamenta Federacije Bosne i Hercegovine, a koja glasi:

„Inicijativa za izradu Studije opravdanosti uvođenja sportskih gimnazija u obrazovni sistem FBiH i upućivanje preporuke prema kantonalnim ministarstvima obrazovanja za uvođenje sportske gimnazije u obrazovni sistem“, odgovaramo kako slijedi:

Ministarstvo obrazovanja, nauke, kulture i sporta Hercegovačko-neretvanskog kantona podržava inicijativu za izradu Studije opravdanosti uvođenja sportskih gimnazija u obrazovni sistem FBiH, u cilju stvaranja mogućnosti za razvoj vrhunskog sporta, kao i prijedlog da nosilac aktivnosti bude Federalno ministarstvo obrazovanja i nauke. Očekujemo da će navedena Studija biti prvi korak ka stvaranju elementarne sportske infrastrukture kao neophodne osnove za planiranje i realizaciju ciljeva u pravcu razvoja vrhunskog sporta.

Napominjemo da se u Registru srednjih škola Ministarstva obrazovanja, nauke i sporta Hercegovačko-neretvanskog kantona nalazi verifikovan Nastavni plan i program za sportsku gimnaziju.

S poštovanjem,



MINISTAR
dr. Adnan Velagić

Dostavljeno:
1. Naslovu,
2. a/a.



03.03.2026.
-03 (pridat)
Alieo

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

FEDERALNO
FEDERALNO
NAUKA
9.3.2026
03-34-412-1/26

Broj: 11-04/02-34-3883-1/26
Sarajevo; 10.02.2026. godine

FEDERALNO MINISTARSTVO OBRAZOVANJA I NAUKE

n/r prof. dr. Jasna Duraković, ministrica

ul. Ante Starčevića bb

88000 Mostar

Predmet: Izjašnjenje, *dostavlja se*

Veza: Vaš akt broj: 03-34-412-1-/26 od 03.02.2026. godine

Poštovani,

Federalno ministarstvo obrazovanja i nauke je aktom broj: 03-34-412-1-/26 od 03.02.2026. godine zatražilo od Ministarstva za odgoj i obrazovanje Kantona Sarajevo (u nastavku teksta: Ministarstvo) izjašnjenje u vezi sa inicijativom delegata u Domu naroda Parlamenta Federacije BiH, Almira Babajića, kojom se od Federalnog ministarstva obrazovanja i nauke traži „izrada Studije opravdanosti uvođenja sportskih gimnazija u obrazovni sistem FBiH i upućivanje preporuke prema kantonalnim ministarstvima obrazovanja za uvođenje sportske gimnazije u obrazovni sistem“.

U vezi sa podnesenom inicijativom informišemo Vas da je Ministarstvo stava da postoji društvena opravdanost za realizaciju iste. Uloga sporta u psihofizičkom i mentalnom razvoj djece zasigurno igra bitnu ulogu u formiranju ličnosti učenika. Ministarstvo svoj stav zasniva na benefitima sporta za zdrav razvoj ličnosti, a što je potvrđeno kroz brojna naučna istraživanja i studije. U tom smislu, informišemo Vas da u obrazovnom sistemu Kantona Sarajevo već postoji Gimnazija-sportsko usmjerenje u sastavu JU Peta gimnazija.

S poštovanjem,



Dostavljeno:

1. Federalno ministarstvo obrazovanja i nauke, ul. Ante Starčevića bb..88000 Mostar.
2. Evidencija,
3. a/a.

